

Uunga siunnersuut:

Suliffeqarfinnit eqqakkanut Qeqqata Kommuniata maleruaqqusaa

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi, Inatsisartut inatsisaat nr. 16, 1. december 2021-meersumi (avatangiisinut inatsit) allanngortinnejartumi § 36, imm. 3, § 39, imm. 1 aamma § 66, imm. 3 kiisalu Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersumi (eqqagassalerinermut nalunaarut) §§ 18-20 naapertorlugin aalajangersarneqarput:

Kapitali 1

Atuuffeqarfiat

§ 1. Maleruaqqusami matumani Qeqqata Kommuniani suliffeqarfinni tamani eqqakkanik katersisarnermut aaqqiissutinut, innersuussinissamut aaqqiissutinut aammalu tigussaasumik innersuussinermut malittarisassanik aalajangersaavoq.

Kapitali 2

Siunertaa nassuaatillu

§ 2. Torersumik eqqakkanik immikkoortiterinissap, mingutsitsinnginnissap aammalu mingutsitsinerit pinngitsoortsinnissaat kiisalu eqqakkanik atoqqiisoqarnissap aamma atoqqinnejarnissaannik siuarsaanissap qulakteernissaa maleruaqqusatigut siunertaavoq.

§ 3. Namminersorlutik Oqartussat eqqagassalerinermut nalunaarutaanni nassuaatit maleruaqqusami matumani, maleruaqqusami allanik nassuaatitaqartoqanngippat, qaqugukkulluunniit atuupput.

Imm. 2. Maleruaqqusami matumani suliffeqarfii pineqartut tassaapput, paaqqinniffiit, umiarsualiviit ingerlatsivinnit ingerlannejartut, inuutissarsiutigalugu piniartut aalisartullu. Naasorissaaneq, hotellit, neriniartarfii nunaannarmilu inuussutissarsiutitigut suliniarnerit allat suliffeqarfittut suussusilerneqassapput.

Kapitali 3

Eqqagassaqalersitsisup pisussaaffi

Atuisussaatitaaneq

§ 4. Eqqakkanik katersisarnermut aammalu innersuussinissamut aaqqiissutit aalajangersakkanik atuinissamut eqqagassaqalersitsisoq pisussaaffeqarpoq.

Imm. 2. Eqqakkat maleruaqqusani allaaserineqanngitsut eqqarsaatigalugit eqqagassaqalersitsisoq kommunalbestyrelsimit saaffiginnissuteqassaaq, taakkulu eqqakkat iginneqarnissaannut erseqqissumik innersuussuteqassallutik. Eqqagassaqalersitsisoq

erseqqissumik innersuussutaasumik atuisussaatitaavoq kiisalu tassunnga atatillugu akiligassanik akiliisussaatitaalluni.

Imm. 3. Eqqagassalerinermut aaqqiissut naapertorlugu eqqakkat immikkoortunut eqqortumik iginneqareernerisa kingorna, eqqagassaqalersitsisoq akisussajunnaassaaq.

Imm. 4. Suliffeqarfiup nammineerluni eqqagakkat navianartut avatangiisinut illersorsinnaasumik aquassinnaallugit qularnaarsinnaappagu, suliffeqarfiup qinnuteqarnerata kingorna, Kommunalbestyrelsi suliffeqarfiup atuisussaatitaaneranik pisussajunnaarsitsinermik nalunaaruteqarsinnaavoq.

Immikkoortiterisussaatitaaneq

§ 5. Aaqqiissutit ataasiakkaat ataanni nassuiarneqartutut, eqqagassalerinissamut kommunalbestyrelsip aalajangiiffigisaatut eqqagassaqalersitsisoq eqqakkanik immikkoortunik immikkoortiterisussaatitaavoq.

Imm. 2. Eqqagassaqalersitsisup qulakkiissavaa, suliffeqarfimmit eqqagassat immikkoortut pilersinneqartut tamaasa katersuveqartinneqarnissaat.

Imm. 3. Eqqagassanut immikkoortunut maleruagassani matumani imaluunniit inatsisini allani ilaatinneqannngitsunut, eqqagassat immikkoortinneqarnissaat ersarissumillu innersunneqarnissaat siunertalarugu eqqagassaqalersitsisoq kommunalbestyrelsimut saaffiginnissaaq.

Nalunaartarnissamut pisussaaffeqarneq

§ 6. Eqqagassaqalersitsisoq eqqagassanik tunniussinermi eqqagassat assigiinngitsut tamaasa nalunaarsussavai.

Imm. 2. Eqqagassaqalersitsisoq kommunip eqqakkanut nalunaarsuisarfianut nalunaarsortinnissaminut pisussaaffeqarpoq, illoqarfimmilu uuttortaasisitsisarneq atorneqarpat eqqagassaleriffimmut korti atorneqassaaq.

Imm. 3. Uuttortaatisisarfiit atorneqanngippata kommunimi tigooraavimmi sulisut attavigineqassapput, taakkulu tunniunneqartut annertussusaasa nalunaarsorneqarnissaat kingornalu akiligassiissutigineqarnissaat isumagissavaat.

Nalunaaruteqartarnissamut paasissutissiisarnissamullu pisussaaffiit

§ 7. Eqqagassaqalersitsisut kommunalbestyrelsip peqqusineratigut matumani malittarisassat naapertorlugin eqqagassat iginneqarneri pillugit paasissutissiisussaatitaapput.

Imm. 2. Kommunalbestyrelsi eqqagassaqalersitsisumik akiliisitsinissamut pisinnaatitaaffeqarpoq kiisalu eqqakkat katitigaaneri pillugit, kommunalbestyrelsi eqqakkanik avatangiisitigut isumannaatsumik isumaginninnissaanik qulakteerinninnissaanut pisariaqartunik paasissutissanik piumaffiginnissinnaalluni.

Imm. 3. Eqqakkat annertussusaat, katitigaanerat iginneqariaasiallu pillugit missiliutip paasissutissaannik communalbestyrelsip piumasaqarneratigut eqqagassaqalersitsisoq paasissutissiinissaminut pisussaavoq.

Nalunaarutiginnittussaatitaaneq

§ 8. Eqqagassaqalersitsisoq eqqakkat mingutsitsinermik kinguneqartussat tamaasa pillugit pissutsini tamani communalbestyrelsimit nalunaarutiginnittussaatitaavoq.

Imm. 2. Sapaatip akunneranut eqqagassat annertussusaat sanaartornermi eqqakkanit qaangerneqarpata, nutaamik sanaartornermut, allanngortitsinermut, nutarterinermut isaterinermullu atatillugu eqqagassat kommunip eqqakkanik tigooraavianut nalunaarutigineqassapput. $50 m^3$ Piffissami sanaartorfiusumi tamarmi sanaartornermut pilersaarisornermi eqqakkat annertussusisaat qaangerneqarpata, sapaatip akunneranut eqqagassat qanorluunniit annertutigissagaluarpata, kommunip eqqakkanut tigooraavianut nalunaarutigineqassapput $100 m^3$.

Imm. 3. Nunaqarfinni nutaamik sanaartornermut, allanngortitsinermut, nutarsaanermut ingutserinermullu atatillugu eqqagassat pilersinneqartartut, qanorluunniit annertussuseqartigigaluarpata kommunip eqqakkanik tigooraavianut nalunaarutigineqartassapput.

Imm. 4. Eqqagassaqalersitisut eqqakkanik navianartunik pilersitsisartut erseqqissumik innersunneqarnissaannut tunngatillugu communalbestyrelsimit nalunaarutiginnissapput. Nalunaaruteqarnermi eqqakkat suussusaat, poortuutit suussusaat ukiumullu annertussutsit naatsorsuutigineqartut paasissutissiissutigineqassapput. Kommunip avataanit immikkoortortanit eqqakkat navianartut eqqunneqassappata, tamanna sapaatip akunneri arfineq-pingasut sioqquillugit nalunaarutigineqassapput.

Toqqortarinntussaatitaaneq

§ 9. Eqqakkat isumannaatsumik, immikkoortillugit matoqqatillugillu toqqortaritinnissaannut kiisalu eqqaaviit eqqiluisaarnissaannut eqqagassaqalersitsisoq pisussaaffeqarpoq.

Imm. 2. Eqqakkat toqqortarineqartut erngertumik iginneqarnissaannut communalbestyrelsi aalajangiisinnavaoq. Eqqakkat mingutsitsinermik, eqqiluisaannnginnermik, tipiliortitsinermik imaluunniit assingusumik pissutsinik pilersitsineranni tamanna pisinnaavoq.

Eqqiluisaartitsisussaatitaaneq

§ 10. Sumiiffinni inuit namminerisamik atugaanni imaluunniit tamanit tikinneqarsinnaasuni eqqakkanik inissiisoqassanngilaq imaluunniit igitsisoqassanngilaq.

Imm. 2. Pisiniarfinni, neriniartarfinni, imerniartarfinni, niivertarfeeqqani assigisaanilu nerisassanik imeruersaatinillu tuniniaaffiusuni eqqagassaqalersitsisoq eqqaavilersuissaq, eqqaaviillu pisariaqartitsinikkut imarneqartassallutik kiisalu nunaminertat atugassinneqartuni tuniniaanerup kingunerisaanik eqqakkanit torersuutinnejarnissaat isumagisarissallugu.

Eqqakkanik assartuineq

§ 11. Eqqagassalerineq pillugu nalunaarut § 15, imm. 1 naapertorlugu eqqakkanik assartuisartoq eqqakkanik assartuinissaminik kommunalbestyrelsimit nalunaaruteqassaaq.

Imm. 2. Eqqakkanik assartuinerup maanaannartitsinngitsumik peqqinnissamut avatangiisitigullu imminut illersorsinnaasumik ingerlanneqarnissaa eqqakkanik assartuisartumit qulakkeerneqassaaq.

Imm. 3. Eqqakkanik assartuinermi maangaannartitsisoqarpat eqqakkanik assartuisartumit maangaannartissimasat katersorneqassapput. Mingutsitsisoqarpat tamanna erngertumik salinneqassaaq kommunalbestyrelsili pisumik nalunaarfingineqarluni.

Kapitali 4

Aaqqissuussinerit assigiinngitsut

§ 12. Aaqqiissutaasuni immikkoortunut aalajangersakkat naapertorlugit eqqagassat immikkoortut iginneqareeraangata aatsaat eqqagassaqalersitsisup akisussaanera atorunnaarsinneqassaaq. Kommunalbestyrelsimit siumut isumaqatigiissuteqarnikkut eqqagassat annertussusissaat sinnerneqarsinnaavoq.

Imm. 2. Nunap timaani eqqagassat pilersinneqartut illoqarfimmut imaluunniit nunaqarfimmut assartorneqassapput aaqqiissutaasunilu immikkoortunut aalajangersakkat naapertorlugit tunniunneqassallutik.

Imm. 3. Eqqakkanik maaniinnaq ikuallaaneq inerteqqutaavoq.

Imm. 4. Nunaqarfinnut ataasiakkaanut erseqqissumik allatut innersuussisoqarsimanngippat, katersisarnermut aammalu innersuussinissamut aaqqiissutitut nassuarneqartunut nunaqarfitt aallaavittut ilaapput.

Imm. 5. Inatsit atuttoq naapertorlugu eqqakkanik tunniussinissamut, poortuinissamut, suliarinninnissamut assigisaanullu ersarissunik piumasaqaateqarsinnaasumut ataatsimoorussamik kommunit eqqagassalerinermut ingerlatsivimmut imaluunniit ingerlatsivimmut allamut aaqqissuussaq kommunalbestyrelsimit suliariumannittussarsiorneqarsinnaavoq.

Katersinermi aaqqissuussinerit

§ 13. Katersisarnermut aaqqissuussinermi kommunalbestyrelsimit innersunneqartumut tunniussivimmut imaluunniit katersuvimmut eqqagassaqalersitsisup eqqagassaatiminik igitsinera pineqarpoq. Tamatuma kingorna eqqakkanik isumageeqjiinissamut akisussaaffik kommunalbestyrelsimit tiguneqassaaq.

Imm. 2. Katersisarnermut aaqqiissutip ingerlanneqarnissaa suliffeqarfimmut namminersortumut, igitsereernermeri eqqakkat suliareqqinnissaannik akisussaaffimmik tigusiutigisussamut suliariumannittussarsiuunneqarsinnaavoq. Inatsit atuttoq naapertorlugu pisuni eqqagassat iginneqarnersut kommunalbestyrelsimit nakkutigineqassapput.

Innersuussinermi aaqqissuussinerit

§ 14. Innersuussinermi aaqqissuussinerni kommunip tigooraaviani, ataatsimoorussamik kommunit eqqagassalerinermik ingerlatsiviani imaluunniit ingerlatsisumit allamit kommunip isumaqatigiissuteqarfigisaanit maleruagassami innersuussinerit naapertorlugit eqqakkat iginneqarnissaat eqqagassaqlersitsisup akisussaaffigaa.

Imm. 2. Niooqqaanissamut innersuussuteqartup innersuussutigisaa qaqugukkulluunniit eqqagassaqlersitsisumit malinneqassaaq.

Imm. 3. Eqqagassanik poortuinissamut, meqqiliinissamut, toqqortarinninnissamut, nalunaarutiginninnissamut aammalu suliareeqqaarinninnissamut Kommunalbestyrelsi piumasaqaatinik aalajangiisinjaavoq kiisalu eqqakkanik utaqqiisaasumik toqqortarinninnissamut innersuussisinjaalluni.

Imm. 4. Eqqakkat kukkusumik immikkoortitikkat, imm. 3-mi piumasaqaatinik naammassinnngitsut imaluunniit maleruagassami matumani aalajangersakkanik allatigut malinninngitsut itigartitsissutigineqarsinjaapput.

Ersarissumik innersuussineq

§ 15. Eqqagassat katersisarnermut innersuussisarnermullu aaqqissuussinernut atutereersunut ilaangippata eqqagassaqlersitsisoq communalbestyrelsimit, igitsinissamut periarfissamut ersarissumut innersuussisussamut saffiginnissaaq.

Imm. 2. Kommunimi sulisunut imaluunniit allamit ingerlatsisumut eqqagassanik tigusisumut eqqakkat annertussusaat imaluunniit suussusaat isumaginninnissamut imaluunniit suliffimmi avatangiisinut ajornartorsiortitsippata, igitsinissamut periarfissamut allamut innersuussinissamut imaluunniit aggorneqarlutik, poortorneqarlutik assingusumilluunniit suliarineqaqqaarnissaannik piumasaqaateqarnissamut Kommunalbestyrelsi pisinnaatitaavoq.

Umiarsualivinni tigooraaviit

§ 16. Maleruagassami matumani aaqqiissutit naapertorlugit, umiarsualivinnut peqatigiinnit ingerlanneqartunut peqatigiit eqqagassaqlersitsisuusarput, taamaalillutilu umiarsuarnit, atortulersuutinit qillerivilianiillu eqqagassanik tigooraavimmik pilersitsisussaatitaapput.

Imm. 2. Imm. 1 naapertorlu eqqakkanik tigooraanermi, umiarsuarnit, atortulersuutinit imaluunniit qillerivilianit ataasiakkaanit eqqagassaqlersitsisutut akisussaaffimmik ingerlatsivik tigusissaaq. Tamatuma kingorna eqqagassaqlersitsisunut piumasaqaatit atuuttut naapertorlugit eqqakkat tiguneqarsimasut kommunip eqqakkanik tigooraavianut imaluunniit kommunit ataatsimoorussamik eqqagassalerinermik ingerlatsivianut ingerlateqqinnejarnissaannik ingerlatsivimmit qulakkeerneqassaaq.

§ 17. Maleruagassami matumani aaqqiissutit naapertorlugit, umiarsualivinnut pisortanit ingerlanneqartunut umiarsualiveqarnermut oqartussat Kommunalbestyrelsimit

isumaqatigiissuteqarnikkut umiarsuarnit, atortulersuutinit qillerivilianiillu eqqagassanik tigooraavimmik pisariaqartinneqartumik pilersitsisussaapput, immikoortiterisimanissamullu piumasaqaatinik malinnittoqarsimaneranik nakkutiginnissallutik.

Imm. 2. Pisumi matumani eqqagassaqalersitsisoq tassaavoq umiarsuit, atortulersuutit qilleriviliallu ataasiakkaat umiarsualivimmi eqqagassaminnik igitsisut, taakkulu akigititat allattorsimaffiat atuuttoq naapertorlugu eqqagassanut akigititat akilersinneqartassallutik.

Kapitali 5

*Katersisarnermut aaqqiisummut eqqagassat immikkoortut ilaapput
Eqqakkat uumasuneersut*

§ 18. Eqqakkat immikkoortunut eqqakkat uumasuneersut, tassa qimmit uumasullu minnerit allat kiisalu pisanit sinnit, soorlu puisimit, arfermit aavermiillu, aalisakkanit aammalu tuttunit umimmannilluunniit eqqagassat ilaapput.

Imm. 2. Eqqaavinnut containeriusunut tamanut atugassanngortinneqarsimasunut imaluunniit kommunip tigooraavianut eqqagassaqalersitsisoq eqqagassanik igitsissaq. Eqqakkat puussiarsuarnut qernertunut 150 µ marloriaammik naqqatigut aatsillugit nipititanut (anartarfinnut puussianut) imaluunniit eqqagassaasivimmum ussissumut ikineqassapput.

Illunit eqqakkanut assingusut

§ 19. Eqqakkat nalinginnaasut tassaapput, malittarisassat atuuttut naapertorlugit illoqutigiinni eqqakkat nalinginnaasut immikkoortitererisa kingorna kiserngoruttut. Taakkunani igaffimmi eqqakkat, nerisassat eqqakkat, pappinik, pappiaqyanik, plastikkiniik puukunillu eqqagassat, eqqiluisaarnermi eqqagassat, soorlu nangit kiisalu nammineq atugassatut pisanit aalisarnermiillu eqqagassat ilaapput. Eqqakkanut nalinginnaasunut ilaatigut igalaamerngit, savimerngit batteriillu ilaanngillat.

Imm. 2. Eqqakkanut nalinginnaasunut aaqqiisummut imaartittarnissamut amerlassusissanik pisariaqartinneqartunik nalunaarsorneqarnissaq eqqagassaqalersitsisumit qularnaarneqassaaq, taamaaliornikkut imarneqarnerit marluk akornanni eqqaaviit ulikkaartoortassanatik. Imaartittarnissamut nalunaarsorneqarneq atorunnaarsitsinerlu kommunip nittartagaatigut, innuttaasunik kiffartuussivikkut imaluunniit immikkoortortani allaffimmum ingerlanneqassaaq.

Imm. 3. Eqqagassaqalersitsisoq nammineq akilikaminik eqqakkanut nalinginnaasunut naammattunik eqqaavinnik pissarsissaaq, inissiinissaq aserfallatsaaliiinissarlu pisussaaffigaa. Suliffeqarfiiit paaqqiniffiit attartornerini illumik piginnittooq eqqagassanut nalinginnaasunut naammattunik eqqaavilersuinissamut pisussaaffeqarpoq kiisalu ulluinnarni eqqakkanik isumaginninnissamut, toqqortarinninnissamut igitsinissamullu malittarisassat attartortunit ataasiakkaanit malinnejarnissaa qulakkiissallugu.

Eqqaavinnut, puussiarsuarnut imaluunniit eqqaavinnut containeriusunut tullinnguuttut atuupput:

- 1) eqqagassanik nalinginnaasunik taamaallaat immerneqartassasut,
- 2) atortunik inngigissunik ipitsunilluuniit poortorsimanngitsunik imaqassanngillat,

- 3) eqqaavik akornutitaqanngitsumik ammarlugu imarneqarsinnaanissa,
- 4) taanna eqqaaviillu puussiartassai atorneqartut communalbestyrelsimit akuerisaasimassasut,
- 5) angallannermut aputaajaanermulluunniit ajoqtaanngitsumut inissinneqassasoq,
- 6) apuit kusukkalluunniit nakkaanissaannut qajannaallisarlugu inissinneqassasoq,
- 7) anartarfilerisut biliinut ungasissuseq 50 m.-mik ungasissuseqassalluni kiisalu anartarfilerisut pisullutik aqqutaa tamaat sinerlugu minnerpaamik 2,5 m.-mik portussuseqassalluni,
- 8) ukioq naallugu aqqusinermi appakaaffissami ingerlavigneqarsinnaasumut manissumullu inissinneqassasoq,
- 9) tipinik akornusersuinissa minnerpaaffissaaniitinniarlugu inissinneqassasoq,
- 10) eqqaaveqarfik nunamit portunerusumut inissinneqassanngitsoq - taamaalillunilu majuartarfefeqassanngitsoq.
- 11) nalaa torersuutinnejassasoq eqqiluitsuutinnejarlunilu,

Imm. 4. Eqqakkat nalinginnaasut tippannissaat minnerpaamiisinniarlugu akuttoqatigiisillugu minnerpaamik sapaatip akunneranut ataasiartumik imarneqartassapput. Illumi suliffeqarfifit paaqqinniffiillu sapaatip akunneranut imaartinneqartarnissamut pisariaqartinneqartunik amerlassusilerlugu nalunaarutigineqarsimanissaat illumik piginnittumit qulakkeerneqassaaq. Sapaatip akunneranut imaartittarnerup amerlinissaanut imaluunniit eqqaaviliussat ilaqqinnissaannut nalunaarutiginissaannullu communalbestyrelsi piumasaqarsinnaavoq.

Imm. 5. Suliffeqarfik paaqqinniffilluunniit pisussaatitaagaluarluni eqqagassanik nalinginnaasunik imaarsivigineqartarnissamut nalunaarsimanngitsoq communalbestyrelsimit paasineqarpat, suliffeqarfifit paaqqinniffiilluunniit aaqqiisummut nalunaarsorneqarnissaanik communalbestyrelsi piumasaqarsinnaavoq.

Imm. 6. Eqqakkat nalinginnaasut kommunimit imaluunniit suliassamut suliariumannittussarsiuussinermi suliamik suliarinnittumit allamit aaneqartassapput, Sisimiunilu ataatsimoorussamik kommunit ikualaavianni toqqaannartumik iginneqarsinnaallutik. Kommunip illoqarfiini nunaqarfiinilu sinnerini kommunip tigooraavianut eqqakkat nalinginnaasut iginneqartassapput.

Allunaasaq pituutarlu

§ 20. Allunaasaq pituutarlu atortussianik akoorlugu imaluunniitakoornagu suliat eqqakkat immikkoortunut ilaapput.

Imm. 2. Eqqagassaqalersitsisoq eqqakkanik immikkoortunik kommunip tigooraavianut imaluunniit umiarsualivimmi containerinut inissinneqarsimasunut igitsissaaq. Allunaasat pituutallu 2 meterit sinnerlugit takissusillit tunniunneqannginnerani ammalqiusanngorlugit imuneqaqqaassapput.

Qalorsuit, qassutit aamma ningittakkat

§ 21. Eqqakkat immikkoortuni qalorsuit, qassutit ningittakkallu kisimik ilaapput.

Imm. 2. Puttaqutillit, kallussaannaveeqqutit, oqimaaluttat allunaasallu akuerineqarsinnaapput, aatsaat qassutini/ningittakkani/qalorsuarni/nettinilu aalajangersagaasimappata.

Imm. 3. Taifunwire (qassutit saviminernik wirertallit), qalorsuit matui karsillu plastikkit skummimik immikkat ilaatinneqanngillat aammalu qalorsuarnut, qassutinut aamma ningittakkanut ilanngullugit tunniunneqassanngillat.

Imm. 4. Qalorsuit, qassutit ningittakkallu immikkoortiterlugit kommunip tigooraavianut imaluunniit umiarsualivimmi containerinut inissinneqarsimasunut eqqagassaqalersitsisoq igitsissaaq. Qarsorsat peerneqareersimassapput.

Kapitali 6

*Eqqakkat immikkoortut inniminniinermut aaqqiisummut ilaapput
Imassat aamma sakkut*

§ 22. Imassat, aallaasit, qummoroortut, ajunaalerluni kalerrisaarutit qamutillit imassaat suugaluarpataluunniit eqqakkat immikkoortunut ilaapput.

Imm. 2. Siumut nalunaarutigereerneratigut eqqakkat immikkoortut kommunip tigooraavianut eqqagassaqalersitsisumit iginneqassapput.

Betonngi aamma qarmakkat

§ 23. Betonngimit eqqakkanut betonngi saviminernik qajannaallisaataanik anillangasortaqanngitsut qarmakkallu tassaasut ass. qarmasissiat, marraat aamma multipladit ilaapput.

Imm. 2. Betonngit saviminernik qajannaallisaataasa annerpaamik 2 cm.-imik anillanganerat, betonngit eqqakkat annerpaamik 200x100x50 cm.-imik annertussusilerlugit aseroterneqarsimanissaat kiisalu PCB-mik imaqarnerat 0,1 mg./kg.-mit annikinnerunissaa siumut qulakkeeqqaarlugu, eqqakkat immikkoortut kommunip tigooraavianut eqqagassaqalersitsioq igitsissaaq.

Eqqakkat toqqorneqarsinnaasut akuleriit

§ 24. Eqqagassat immikkoortunut allanut ilaanngitsut eqqakkat immikkoortunut ilaapput, ilaatigut marraasinnaapput, marriat, vinylit, tarrarsuutit flise-llu.

Imm. 2. Eqqagassat annerpaamik 200x100x50 cm.-imik annertussusilerlugit aseroterneqarsimanissaat siumut eqqagassaqalersitsisumit qulakkeerneqariarlutik, kommunip tigooraavianut eqqakkat immikkoortut igissavai.

Eqqagassat ikuallassinnaasut

§ 25. Eqqagassat ikuallatassat tassaapput eqqagassat ikuallassinnaasut navianaateqanngitsut, immikkoortiterneqarnissaannut, toqqortarineqarnissaannut imaluunniit immikkut

isumagineqarnissaannut piumasaqaataasumut ilaanngitsut aammalu toqqaannartumik atoqqiinissamut naleqqutinngitsut. Ilaatigut puukut, plastikkit pequtillu aseqqukut pineqarput.

Imm. 2. Eqqakkat ikumasinnaasut 100x100x50 cm-init anginerit ikumasinnaasutut angisuutut akeqartinneqassapput. Eqqakkat 100x100x50 cm. ataallugit angissusillit, eqqakkatut ikuallassinnaasutut minnertut akeqartinneqartarpot. Eqqagassat imerpalasunik akoqassanngillat.

Imm. 3. Sisimiuni eqqagassaqlersitsisut eqqagassanik ikuallassinnaasunik annikitsunik kommunip tigooraavianut imaluunniit ataatsimoorussamik kommunit ikuallaavianut isumaqatigiissuteqareernermermi igitsisinnaapput. Eqqakkat ikumasinnaasut angisuut kommunip tigooraavianut taamaallaat tunniunneqassapput. Illoqarfii tunnaqarfii sinnerini eqqagassat ikuallassinnaasut angisuut annikitsullu eqqagassaqlersitsisunit kommunip tigooraavianut tunniunneqassapput.

Sanaartornermi atortut tassaasut qalissiat, gips kiffiutissat il.il.

§ 26. Sanaartornermi atortut eqqagassat nutarterinermit, nutaamik sanaartornermit imaluunniit ingutserinermit pisuupput, ilaatigut qalissiaasinnaallutik, gipsiusinnaallutik imaluunniit kiffiaataasinnaallutik.

Imm. 2. Eqqakkat immikkoortut eqqagassaqlersitsisumit kommunip tigooraavianut iginneqassapput, iginneqannginnerinilu assersuutigalugu kikissat qinnerillu piiarneqarsimanissaat qulakkeersimassallugu.

Toqqaannartumik atoqqiineq

§ 27. Atoqqiinerit tassaapput pequtit atugassat, pequtit assigisaallu suliareqqinneaqqaratik atorneqarsinnaasut.

Imm. 2. Pequtit atoqqinneaqqarsinnaasut kommunip tigooraavianut imaluunniit toqqaannartumik atoqqinneaqqarsinnaasunut tamanit tikineqarsinnaasunut containerinut eqqagassaqlersitsisumit peerneqassapput.

Assakaasut

§ 28. Assakaasut tassaapput assakaasut qalequtai ilivitsut imaluunniit ilaannakui angallassisutinit assakaasulinnit tamaneersut.

Imm. 2. Assakaasut eqqakkat kommunip tigooraavianut imaluunniit kommunip isumaqatigiissuteqarfigisaanut ingerlatsisumut allamut eqqagassaqlersitsisumit tunniunneqassapput, tunniussinnginnermilu assakaasut saviminertaasa peerneqarsimanissaat qulakkeersimassallugu.

Eqqakkat navianartut

§ 29. Eqqakkat navianartut tassaasinnaapput akoorutissat, uuliakoq, pære sarfamik sipaarutilik, akkumulatorit, lysstofrøri, qalipaatit sinnikui, batterit, avatangiisinut ulorianartunik eqqagassanut poorinikuusimasat, qarasaasiat, printerit, isiginnaarut, oqarasuaatit, sannatit innaallagiatorut, pinngussat elektronikkiusut, igaffimmi errorsisarfimmilu atortorissaarutit, qisuk aanaveersaasigaq, eqqagassat asbestinik akullit, eqqagassat PCB-mik akullit aammalu eqqagassat aatsitassanik oqimaatsunik akullit.

Imm. 2. Eqqagassat asbestinik, PCB-mik aatsitassanillu oqimaatsunik akullit kapitali 7-imi tulliuttumi nassuarneqartutut ersarissumik innersuussinermik aaqqiisummut ilaapput.

Imm. 3. Eqqagassat navianartut kommunip tigooraavianut eqqagassaqlersitsisumit tunniunneqassapput, tunniunneqannginnerinilu tulliuttutigut immikkoortinneqarnissai qulakkiissallugu:

- 1) Elektronikkit eqqagassat.
- 2) Igaffimmi errorsisarfimmilu atortut
- 3) Kemikaaliat
- 4) Qalipaatit, lakkit, limit, fugemasset naqiterinermilu qalipaatit
- 5) Uuliakoq, tassa uuliakoq sunaluunniit
- 6) Akkumulatorit aamma batterit
- 7) Poorisat silaannarmik naqitsinermik imallit
- 8) Qisuk aanaveersaasikkat

Imm. 4. Pisuni tamani eqqagassaqlersitsisup eqqagassat navianartut tulliuttutigut poortorsimanissaat qulakkiissavaa:

- 1) puut eqqiluitsut, ussittut matoqqasullu,
 - 2) pooreeqqaarisaa imaluunniit imarisaanik ersarissumik nalunaaqutsersimasoq,
 - 3) eqqagassanut navianaatilinnut assigiinngitsunut assigiinngitsunik pooqartitsineq aammalu
- Imm.* 5. Nunaqarfinni eqqagassat avatangiisinut navianaatilinnik aallertoqarnissaanik isumaqtiginninniarluni imaluunniit kommunip tigooraaviani immikkoortiterneqarnissaanut eqqagassaqlersitsisoq vejformandimut attaviginnissinnaavoq.

Igalaaminikut

§ 30. Igalaaminikuni igalaamerngit puutut atorneqarsimasut pineqarput, matumanii viinnit puuiaasat, paarnat simersiat puui, nerisassanit assigiinngitsunit puut igalaamerngit, igalaamerngit aseqqukut assigisaallu kiisalu pequtit annertunerusut soorlu tarrarsuutit, nerriviit igalaaminiusut igalaallu igalasserfeqanngitsut ilaallutik.

Imm. 2. Eqqagassat kommunip tigooraavianut eqqagassaqlersitsisumit tunniunneqassapput.

Savimerngit saffiugassallu

§ 31. Savimernginut saffiugassanullu sikkilip timita, ilisiviit saffiugassanit sanaat, ruujorit aammalu inuussutissarsiornermit sanaartornermit, ingutserinermit imaluunniit nutarterinermit

savimerngit saffiugassallu kiisalu puukut soorlu qillertuusat, immiaaqqat sodavandillu qillertuusat ilaapput.

Imm. 2. Savimerngit saffiugassallu kommunip tigooraavianut imaluunniit kommunip isumaqatigiissuteqarfigisimasaanut ingerlatsisumut allamut eqqagassaqalersitsisumit tunniunneqassapput, tunniussinnginnermilu eqqagassat annerpaamik 500 cm. x 200 cm. annertussusilerlugit aserorterneqarsimassallutik wire-llu 2 meter-init takinerusut imuneqarsimanissaat qulakkeersimassallugu.

Eqqakkat angisuut

§ 32. Eqqakkat immikkoortuni pisattat annertunerusut pineqarput, assersuutigalugu allaffimmi pequtit, sikkilit, savimerngit, saffiugassat, dunkit, madrassit kiisalu igaffimmi errorsisarfimmilu atortut tassaasut nillataartitsiviit, qerititsiviit, kissarsuutit, errorsiviit, erruiviit, microbølgeovnit il.il.

Imm. 2. Eqqakkat angisuut kommunip tigooraavianut eqqagassaqalersitsisumit tunniunneqassapput.

Qisuit igitat

§ 33. Eqqagassat immikkoortut tassaapput sallilikat issusuut, sallilikat, pladit imaluunniit listit nutaamik sanaartornermit, nutarterinermit, isaterinermit imaluunniit atortulersuutinik sanaartornernit pisut, allanik patsiseqartumik qalipanneqarsimasut imaluunniit mingutsinneqarsimasut sanaartoqqinnermut atoqqiinermullu atorneqarsinnaanngitsut.

Imm. 2. Qisuit aannaveersaasikkat eqqakkat navianartuniissapput.

Imm. 3. Qisuit eqqagassat kommunip tigooraavianut eqqagassaqalersitsisumit tunniunneqassapput, tunniunneqannginnerinilu betonngitai, marraasersuinerit, kikissat, qinnerit, qalequt assigisaallu piiarsimanissaat kiisalu qalipaat aatsitassamik oqimaatsumik akoqannginnissaa qulakkeeqqaassallugit. Qisuit eqqagassat tunniunneqannginnerini 200x100x50 cm.-imut annertussuseqalersillugit aserorterneqaaqqaassapput.

Imaatigut angallassisutit qamutillu motoorillit nutaanngilivallaarsimasut

§ 34. Eqqakkat immikkoortuni imaatigut assartuussinissamut angallatit, matuman iumiatsiat, umiarsuit, umiatsiaaqqat aammalu umiaasaaqqat kiisalu nunakkut assartuussinissamut qamutit, matuman biilit, qamuteralaat ATV-llu pineqarput.

Imm. 2. Iginneqannginnerini eqqagassaqalersitsisup imaatigut angallatit imaluunniit qamutit kommunip avatangiisitigut piareersarnissaannut malittarisassat malinnejarnissaat isumagisarisassaraa. Avatangiisitigut piareersarneqarsimangippata tigujumaneqassanngillat imaluunniit eqqagassaqalersitsisoq akigititanut allattorsimaffik naapertorlugu piffissaq atorneqartoq aallaavigalugu annertunerusumik akiligassinneqassaaq.

Imm. 3. Imaatigut angallassisutit imaluunniit qamutit avatangiisitigut piareersarneqarsimasut eqqagassaqalersitsisumit kommunip tigooraavianut tunniussissaq,

tassunnga atatillugu avatangiisitigut piareersarneqarsimaneranik uppernarsaammik takutitsisoqassalluni. Nunaqarfinni illoqarfimmut qaninnerpaamut tigooraavimmut tunniussineq ingerlanneqassaaq. Annertunerusumik aseroterneqarnissaanut piumasaqaateqartoqarsinnaavoq.

Imm. 4. Imaatigut angallassisutinik imaluunniit qamutit nutaanngilivallaartut avatangiisinut navianartunik atortoqaraluarpata atortoqanngikkaluarpatluunniit, illoqarfimmi pinngortitamullu qimaannarneqarnissaat inerteqquaavoq.

Kapitali 7

*Eqqagassat immikkoortortat erseqqissumik innersuussinermut ilaapput
Eqqakkat Asbestitallit*

§ 35. Eqqakkat immikkoortortanut eqqagassat asbestitallit suulluunniit ilaapput, ilaatigut qaliami, natermi, silaannarissarfiiit aqquaanni, cementinik ruujorini, marraasersuutini aammalu qeqoq qarmamut galliutini kiisalu iikkersuutini qilaamullu galliutini nassaassaasarlutik.

Imm. 2. Sanaartukkanik atortulersuutinillu 1950-1977-ip nalaanni sanaartugaasunik, 200 m²-mit annertunerusunik imaluunniit 10 tons sinnerlugu annertunerusunik eqqakkanik pilersitsiviusunik isaterinnginnermi imaluunniit nutarterinnginnermi, eqqagassaqalersitsisoq avatangiisinik erseqqissaasumik nalunaarummik aammalu eqqakkanik passussinissamut pilersaarummik, ilangussaq 1-imi paasissutissanik imaqartumik suliaqassaaq. Eqqakkat sumut tunniunneqarnissaat pillugu eqqakkanik passussinissamut pilersaarummik akuersissuteqarneranut atatillugu kommunalbestyrelsi innersuussissaaq.

Imm. 3. Tigooraavimmut innersuunneqartunut eqqagassaqalersitsisoq tunniussinnginnermi, suulluunniit asbestimik akullit isugutatsillugit toqqortaritinneqarnissaat kiisalu ussisumik matoqqasumik aammalu asbestimik akulimmik imaqarneranik ersarissumik nalunaaqqutsermasumik poortorneqarsimanissai qulakkiissavaa.

Imm. 4. Isaterinerup imaluunniit nutarterinerup naammassinerata kingorna, eqqakkat eqqagassalerinermut pilersarut akuersissutigineqartoq naapertorlugu ingerlatsisoqarsimaneranut uppernarsaatnik eqqagassaqalersitsisoq communalbestyrelsimum nassiussissaaq.

Issoq mingutsinneqarsimasoq

§ 36. Eqqakkat immikkoortuni issoq avatangiisinut imaluunniit peqqissutsimut navianartunik akulik, avatangiisinik mingutsitsisinnaasutut imaluunniit innuttaasut peqqissusaannut aarlerinartortaqarneranik takussutissartalik ilaavoq.

Imm. 2. Issoq mingutsinneqarsimasup nuunneqarnera eqqagassaqalersitsisumut communalbestyrelsimum, igitsinissamik periusissamik innersuussuteqartumut nalunaarutiginnissaaq. Igitsinissamik periusissamik innersuussisoqartinnagu issoq mingutsinneqarsimasoq iginneqassangilaq.

Imm. 3. Tunniussinnginnermi issoq ujaraajaqqaarneqassaaq.

Imm. 4. Tigussaasumik itigartitsineq naapertorlugu eqqagassaqalersitsisumit issoq mingunnikoq igissavaa. Akigititat atuuttut naapertorlugit eqqagassaqalersitsisoq issumik mingunnikumik tunniussinerminut akiliuteqassaaq.

Eqqakkat PCB-mik akullit

§ 37. Eqqakkat immikkoortumi eqqakkat PCB-mik akullit tamarmik pineqarput, taakkulu amerlanertigut marraasersuutini tasisaartuni, sininik matussusiisunik aammalu igalaat iluneq ajortunut marraasersuutini, qalipaatini assigiinngitsuni, ini masattuleriffinni ussissaatini, naternut marraasersuutini aammalu oqorsaatit uuliaanni nassaassaasarlutik.

Imm. 2. Sanaartukkanik atortulersuutinillu 1950-1977-ip nalaanni sanaartugaasunik, 200 m²-mit annertunerusunik imaluunniit 10 tons sinnerlugu annertunerusunik eqqakkanik pilersitsiviusunik isaterinnginnermi imaluunniit nutarterinnginnermi, eqqagassaqalersitsisoq avatangiisnik erseqqissaasumik nalunaarummik aammalu eqqakkanik passussinissamut pilersaarummik, ilanggussaq 1-imi paasissutissanik imaqartumik suliaqassaaq. Eqqakkat sumut tunniunneqarnissaat pillugu kommunalbestyrelsi eqqakkanik passussinissamut pilersaarummik akuersinermut atasumik innersuussissaaq.

Imm. 3. Sanaartukkanut 200 m² mikinerusunut aammalu ilaqtariit ataatsit marlulluunniit illuini PCB-mik aqoqarsinnaasut pingarnerit eqqakkatut navianartutut passunneqassapput iginneqarlutillu.

Imm. 4. Eqqakkat PCB-mik akullit ilanggussaq 2, eqitsit 1-imi naliliussaq naapertorlugu iginneqassapput.

Imm. 5. Eqqagassaqalersitsisoq tigooraavissatut eqqakkanik tunniussilernermini eqqakkat PCB-mik akullit pujoralammik pitagassaanngitsumik matlluarsimasunillu, PCB-mik ersarissumik nalunaarsoqqasumik poorsimanissaat aammalu eqqakkanik navianartunik imaluunniit naviananngitsunik allanik aqoqannginnissaat imaluunniit kimikillisarneqannginnissaat qulakkiissavaa.

Imm. 6. Eqqagassaqalersitsisut namminneerlutik eqqakkat PCB-mik akullit Danmarkimut imaluunniit nunamut allamut arrortigassanngorlugit nassiussinissaannut kommunalbestyrelsi akuersissuteqarsinnaavoq. Tassunnga atatillugu eqqortumik isumaginninnissamut poortuinissamullu eqqagassaqalersitsisoq nammineq akisussaasuovoq.

Imm. 7. Isaterinerup imaluunniit nutarterinerup naammassinerata kingorna, eqqakkat eqqagassalerinermut pilersaarut akuersissutigineqartoq naapertorlugu ingerlatsisoqarsimaneranut upternarsaatinik eqqagassaqalersitsisoq communalbestyrelsimeut nassiussissaaq.

Issumi PCB

§ 38. Isaterinermi imaluunniit annertuumik nutarterinermi, illup silataanut qalipaatit PCB-mik 50mg/kg-mit annertunerusumik akullit imaluunniit silatimikkut marraasersuutit PCB-mik 1.000 mg/kg-mit annertunerusumik atuisoqarsimatillugu illuutip sanaartukkalluunniit eqqaani nuna eqqagassaqalersitsisumit misissorneqassaaq.

Imm. 2. Sanaartukkanik atortulersuutinillu 1950-1977-ip nalaanni sanaartugaasunik, 200 m²-mit annertunerusunik imaluunniit 10 tons sinnerlugu annertunerusunik eqqakkanik pilersitsiviusunik isaterinnginnermi imaluunniit nutarterinnginnermi, eqqagassaqalersitsisoq avatangiisilik erseqissaasumik nalunaarummik aammalu eqqakkanik passussinissamut pilersaarummik, ilangussaq 1-imi paasissutissanik imaqtumik suliaqassaaq. Eqqakkat sumut tunniunneqarnissaat pillugu communalbestyrelsi eqqakkanik passussinissamut pilersaarummik akuersinermut atasumik innersuussissaaq.

Eqqakkat aatsitassanik oqimaatsunik akullit

§ 39. Eqqakkanut immikkoortunut eqqakkat aatsitassanik oqimaatsunik sunilluunniit akullit tamarmik pineqarput, matumani Aqerloq saffugassatut pissusilik, Arsen, Cadmium, Kromi, Kanngussaq, Kvicksølv, Nikkeli aamma Zinki assersuutigalugu qalipaatinut, cementimut, qalliutinut, qisunnut asiunaveersaasikanut imaluunniit qinngorernut illersuutissanut atorneqarsimasut ilaapput.

Imm. 2. Eqqakkat aatsitassanik oqimaatsunik akoqarnerat paasineqarpat communalbestyrelsi sukumiinerusumik paasissutissinneqarnissamut aamma eqqakkat pillugit innersuunneqarnissamut atatillugu saaffigineqassaaq Aaqqiissummi eqqagassaqalersitsisunut 2005-imi januarip aallaqqaataa sioqqullugu illunik sanaartukkanik isaterisussanut imaluunniit nutarsaasussanut pingaarnertut attuumassuteqarpoq.

Imm. 3. Illunik isaterinnginnermi imaluunniit nutarterinnginnermi ilangussaq 1-imi paasissutissatut allassimasunik imaqtumik eqqakkanik passussinermut pilersaarummik aammalu avatangiisitigut qulaajaanermut nalunaarusiamik eqqagassaqalersitsisoq suliaqassaaq. Eqqakkat sumut tunniunneqarnissaat pillugu communalbestyrelsi eqqakkanik passussinissamut pilersaarummik akuersinermut atasumik innersuussissaaq.

Imm. 4. Isaterinerup imaluunniit nutarterinerup naammassinerata kingorna, eqqakkat eqqagassalerinermut pilersaarut akuersissutigineqartoq naapertorlugu ingerlatsisoqarsimaneranut upternarsaatnik eqqagassaqalersitsisoq communalbestyrelsimum nassiussissaaq.

Kapitali 8

Akitsuutit

§ 40. Katersisarnermut aammalu innersuussinissamut aaqqiissutinut ataasiakkaanut eqqagassalerinermut atatillugu kommunimit aningaasartuutigineqartunik matussusiisussanik communalbestyrelsi akiliutissanik aalajangersaassaaq. Akiliutit ukiumut naleqqussarneqartarput eqqagassalerinermullu Qeqqata Kommuniani akigititanut allattorsimaffimmi, kommunip nittartagaani tamanit takuneqarsinnaasuni takuneqarsinnaasarlutik.

Imm. 2. Eqqakkat illoqarfimmi, nunaqarfimmi nunap timaaniluunniit pilersinneqaraluarputa eqqagassaqalersitsisut tamarmik akiliuteqartassapput.

Imm. 3. Ulluinnarni eqqakkanut tunngatillugu eqqagassaqalersitsisoq nuunnermi imaaartittarnissamut nalunaassaaq aammalu nooqqinnermi aaqqiissutip atorunnaarsinnissaanut nalunaaqqissalluni. Nalunaarnerit kommunip nittartagaani ingerlanneqassapput. Nuunnermi atorunnaarsitsinissamik nalunaartoqanngippat, eqqagassaqalersitsup allap nalunaarnissaata tungaanut eqqagassaqalersitsisugallartutut nalunaaqqasoq akiliusussaatitaavoq.

Imm. 4. Eqqakkat eqqortumik immikkoortiterneqarsimanngippata, akit allattorsimaffiat atuuttoq naapertorlugu kukkusumik immikkoortiterinermi akiliuteqartitsisoqassaaq.

Imm. 5. Imaatigut angallatit qamutillu avatangiisitigut piareersarneqarsimanngippata, piffissaq atorneqartoq aallaavigalugu annertunerusumik akiligassiisoqassaaq.

Kapitali 9

Nakkutilliineq

§ 41. Qeqqata Kommuniani Teknikkimut Avatangiisinullu immikkoortortaqarfik nakkutilliisussaatitaasuovoq.

Imm. 2. Nakkutilliisussaatitaasoq avatangiisit pillugit inatsimmi § 47 naapertorlugu suliffeqarfimmik eqqagassalerisunik nakkutilliartornissaq siunertalarugu suliffeqarfimmut appakaannissaminut, appakaannginnermi piffissaq sioqqullugu eqqagassaqalersitsisumik kalerrisaareeqqaassaaq.

Kapitali 10

Naammagittaalliutit

§ 42. Matumani maleruaqqusat naapertorlugit aalajangiinernut naammagittaalliutit uunga nassiunneqassapput Qeqqata Kommunia, Teknikkeqarnermut Avatangiisinullu immikkoortortaq, e-mail qeqqata@qeqqqata.gl-ikkut imaluunniit allakkatigut.

§ 43. § 42 naapertorlugu Kommunalbestyrelsip aalajangiineri avatangiisit pillugit inatsimmi kapitali 14 naapertorlugu Avatangiisinik illersuineq pillugu Naammagittaalliuteqartarfimmut naammagittaalliutigineqarsinnaapput.

Imm. 2. Naammagittaalliutit uunga nassiunneqassapput Atuisartoqarnermut Unammilleqatigiinnermullu Aqutsisoqarfik, Imaneq 29, 1 sal, postboks 689, 3900 Nuuk, imaluunniit E-mail: tamatuma kingorna Atuisartoqarnermut Unammilleqatigiinnermullu Aqutsisoqarfipi naammagittaalliut Avatangiisinik illersuineq pillugu Naammagittaalliuteqartarfimmut ingerlateqqissavaa.

Imm. 3. Avatangiisit pillugit inatsimmi § 60, imm. 2 naapertorlugu tulliuttut naammagittaalliuteqarsinnaatitaapput:

- 1) Kinaluunniit aalajangiinermi pineqartoq.
- 2) Nunatsinni Nakorsaaneqarfik
- 3) Kinaluunniit suliap qanoq naammassineqarnissaanut nammineq immikkut annertuumillu soqutigisaqartoq.

4) Peqatigiiffiit kattuffiillu, ileqqoreqqusatik naapertorlugit peqqissarfiullutik qasuersaarfiusartunik, avatangiisinik pinngortitamillu annertuumik soqtigisanik isumagisaqarnissamik siunertaqartut.

Imm. 2. Avatangiisit pillugit inatsimmi § 60, imm. 3, litra a naapertorlugu naammagittaalliuuteqarnissamut ullormit tassanngaanniit aalajangererup aalajangersaaffigineqartumut nalunaarutigineqarneranit sapaatit akunneri arfinillit piffissaavoq.

Imm. 3. Avatangiisit pillugit inatsimmi § 62, imm. 1 naapertorlugu Naammagittaalliuuteqartarfiup suliami aalajangiinissaata tungaanut imaluunniit Naammagittaalliuuteqartarfiup allatut aalajangiinissaata tungaanut maalaaruteqarneq peqqusinermut imaluunniit inerteqqusummut kinguartitsisarpoq. Avatangiisit pillugit inatsimmi § 62, imm. 2 naapertorlugu peqqusummit inerteqqummilluunniit aalajangiisoqarsimappat, immikkut tunngaveqartoqartillugu, peqqussuteqarnerup imaluunniit inerteqquteqarnerup saniatigut, qanoluunniit maalaaruteqartoqartillugu Kommuni aalajangiinerup malinneqarnissaanik aalajangiisinhaavoq. Avatangiisit pillugit inatsimmi § 63, imm. 1 naapertorlugu akuersissutinut imaluunniit immikkut akuersissummut maalaarutit kinguartinneqarneq ajorput.

Kapitali 11

Kinguneqartitsinerit

§ 44. § 4, imm. 1 aamma imm. 2, § 5, § 6, § 7, imm. 1 aamma imm. 3, § 8, § 9, imm. 1, § 10, § 11 aamma § 18, imm. 2, § 19, imm. 2-4, § 20, imm. 2, § 21, imm. 3 aamma imm. 4, § 22, imm. 2, § 23, imm. 2, § 24, imm. 2, § 25, imm. 3, § 26, imm. 2, § 27, imm. 2, § 28, imm. 2, § 29, imm. 3 aamma imm. 4, § 30, imm. 2, § 31, imm. 2, § 32, imm. 2, § 33, imm. 3, § 34, imm. 3 aamma imm. 4, § 35, imm. 2-4, § 36, imm. 2-4, § 37, imm. 2-5 aamma imm. 7, § 38 kiisalu § 39, imm. 3 aamma imm. 4 unioqqutinnejnarnerini Kalaallit Nunaanni Pinerluuteqarsimanermut inatsimmi malittarisassat naapertorlugit akiliisitaanermik kinguneqartitsisisaapput.

Imm. 2. Imm. 1 malillugit suliassat Kalaallit Nunaanni Eqqartuussivinni siullertut suliariinnittussamut suliakkiissutigineqassapput.

Kapitali 12

Atuutilersitsinermut atorunnaarsitsinermullu aalajangersakkat

§ 45. Nalunaarut saqqummiussinerup aqaguani atortuulissaaq.

Imm. 2. Tamatuma saniatigut Sisimiut Kommuniani igitassanik eqqaanermut maleruaqqusaq 6. februar 1996-imeersoq, Sisimiuni, Sarfannguani Itillimilu eqqagassalerinermut malittarisassiat 6. februar 1996-imeersoq aammalu Sisimiut Kommuniani uuliakunik

akuutissanillu eqqakkat iginneqarnissaannut maleruaqqusaq 6. februar 1996-imeersoq atorunnaarsinnejassapput.

Imm. 3. Ulloq [dato] Qeqqata Kommunip Kommunalbestyrelsanit akuersissutigineqarpoq.

Borgmesteri

Kommunimi pisortaaneq